

## Protokol para sa mga Sertipikadong Pamilihan ng Magsasaka

Ang protokol na ito ay binuo upang pahintulutan ang Mga Sertipikadong Pamilihan ng Magsasaka na pinatunayan ng Estado ng California, at pinapatakbo alinsunod sa mga kinakailangan ng Kagawaran ng Pagkain at Agrikultura ng California at mga kinakailangan na binalangkas sa Code ng Tingiang Pagkain ng California (Certified Retail Food Code o CRFC), na tumakbo kapag nakakasunod sa mga protokol na ito ng Kagawaran ng Pampublikong Kalusugan (DPH) ng Los Angeles County.

Ang mga Sertipikadong Pamilihan ng Magsasaka ay maaaring magpahintulot sa mga pasilidad ng pagkain (mga puwesto ng pagkain) na tumakbo bilang isang hiwalay na kaganapan pangkomunidad kalapit sa , at kasabay ng Sertipikadong Pamilihan ng Magsasaka alinsunod sa mga kinakailangan na binalangkas sa Code ng Tingiang Pagkain ng California.

Ang Sertipikadong Pamilihan ng Magsasaka ("Pamilihan) at ang katabing kaganapang pangkomunidad ay dapat na pangasiwaan ng awtorisadong Tagapamahala ng Merkado (Market Manager) na siyang namamahala sa lugar, na siyang umaako ng responsibilidad para sa patuloy na pagsasanay at pagsusuri (screening) ng lahat ng kawani, probisyon sa lahat ng kailangang kagamitan at materyales ng mga karaniwang lugar sa loob ng merkado, pagsusubaybay sa pagsunod sa lahat ng mga hakbang pangkaligtasan at pagkuha ng pag-apruba mula sa Kagawaran ng Pampublikong Kalusugan, lokal na pagsosona at mga opisyal ng lungsod, tulad ng inaatas. Bisitahin ang <http://publichealth.lacounty.gov/eh/DSE/CommunityEvent.htm> upang mag-apply para sa isang pahintulot ng pampublikong kalusugan na magpatakbo ng isang puwesto ng pagkain sa isang aprubado at pinahihintulutang Sertipikadong Pamilihan ng Magsasaka.

Tandaan na dahil sa mga panganib na nauugnay sa transmisyong COVID-19, ang Sertipikadong Pamilihan ng Magsasaka ay dapat na limitahan sa mga nagtitinda lamang. Ang anumang uri ng paglilibang na naghihiyakat sa mga dumadalo na magtipon-tipon, kabilang, ngunit hindi limitado sa musikal, sayaw o teatrikong pagganap, paglilibang sa mga bata, o mga pagtatanghal ng kagalingan, ay hindi pinahihintulutan.

Mangyaring tandaan: Maaaring baguhin ang dokumentong ito habang may karagdagang impormasyon at mga mapagkukunan kung kaya't regular na tingnan ang website ng La County <http://www.ph.lacounty.gov/media/Coronavirus/> para sa anumang mga pagbabago sa dokumentong ito.

Ang listahan na ito ay sinasaklaw ang:

- (1) Mga patakaran at kasanayan sa lugar ng trabaho para protektahan ang kalusugan ng empleyado
- (2) Mga hakbang para masiguro ang pisikal na pagdistansya
- (3) Mga hakbang para masiguro ang pagkontrol ng impeksyon
- (4) Komunikasyon sa mga empleyado at publiko
- (5) Mga hakbang para masiguro ang pantay-pantay na akses sa mga kritikal na serbisyo

Ang limang pangunahin na aspetong ito ay dapat na matugunan habang binubuo mo ang mga plano para paghandaan ang isang Sertipikadong Pamilihan ng Magsasaka.

**Ang lahat ng mga Sertipikadong Pamilihan ng Magsasaka na sakop ng patnubay na ito ay dapat na ipatupad ang lahat ng mga naaangkop na hakbang na nakalista sa ibaba at maging handa na ipaliwanag kung bakit ang anumang hakbang na hindi ipinatupad ay hindi naaangkop sa negosyo. Ang mga Tagapamahala ng Pamilihan ay dapat na magbahagi ng isang kopya ng protokol na ito sa lahat ng mga tagapagtinda para matiyak ang pagsunod sa lahat ng mga protokol.**

Sertipikadong Pamilihan ng  
Magsasaka:

Address:

Pinakamaraming pag-okupa, kada  
Fire Code:

Tinatayang kabuuan sa  
talampakang kuwadrado ng  
espasyo na bukas sa publiko:

**A. MGA PATAKARAN AT KASANAYAN SA LUGAR NG TRABAHO UPANG MAPROTEKTAHAN  
ANG KALUSUGAN NG EMPLEYADO (ITSEK ANG LAHAT NA NALALAPAT SA PASILIDAD)**

- Ang lahat ng empleyado (kabilang ang mga empleyado o boluntaryo na nagtatrabaho sa ngalan ng Tagapamahala ng Pamilihan at mga nagtatrabaho para sa mga tagapagtinda sa puwesto) ay binigyan ng kopya ng protokol na ito.
- Ang mga bulnerableng kawani (mga taong higit sa 65 ang edad, mga taong may malubhang kondisyon sa kalusugan) ay bibigyan ng trabaho na maaaring gawin sa bahay hangga't maaari o iyong nakapaglilimita sa kanilang pakikisalamuha sa ibang mga tao sa Pamilihan.
- Ang lahat ng mga empleyado (kabilang ang mga boluntaryo at tagapagtinda, sama-samang tinatawag na "mga empleyado") ay sinabihan na huwag pumasok sa Pamilihan kung may-sakit, o kung sila ay nalantad sa isang tao na may COVID-19. Naiintindihan ng mga empleyado na sumunod sa patnubay ng DPH para sa sariling pagbubukod at pag-quarantine, kung naaangkop. Ang mga patakaran para sa bakasyon sa trabaho ay sinuri na at binago para masiguro na ang mga empleyado ay hindi paparusahan kapag sila ay nanatili sa bahay dahil sa sakit.
  - o Ang mga empleyado ay pinagkakalooban ng Impormasyon sa mga benepisyong bakasyon na itinaguyod ng amo/employer o gobyerno na maaaring makuha ng empleyado na gagawing pinansyal na mas madali ang pananatili sa bahay. Tingnan ang karagdagang impormasyon sa [mga programa](#) ng gobyerno na sumusuporta sa bakasyon dahil sa pagkakasakit at kompensasyon ng manggagawa para sa COVID19, kabilang ang mga karapatan ng empleyado sa mga bakasyon dahil sa pagkakasakit sa ilalim ng [Families First Coronavirus Response Act](#) at mga karapatan ng empleyado sa mga benepisyong kompensasyon ng manggagawa at pagpapalagay ng pagiging may kaugnayan sa trabaho ng mga pagkakalantad sa COVID-19 na naganap sa pagitan ng Marso 19 at Hulyo 5 alinsunod sa [Executive Order N-62-20](#) ng Gobernador
- Ang [mga pag-iiskrin sa empleyado](#) ay isinagawa bago makapasok sa Pamilihan. Ang mga pagsusuri ay dapat isama ang patanong tungkol sa ubo, pangangapos ng hininga, kahirapan sa paghinga at lagnat o panggiginaw, at kung ang empleyado ay nagkaroon ng pakikisalamuha o kontak sa isang tao na nahawaan ng COVID-19 sa huling 14 na araw. Ang mga pagsusuring ito ay maaaring gawin nang malayuan (remotely) o personal sa pagdating ng empleyado o tagapagtinda. Isang pagsusuri sa temperatura ay dapat din gawin sa lugar ng trabaho kung magagawa.
- Sa oras na napagbigay-alam na ang isa o higit pang mga tagapagtinda o empleyado ay nasuring positibo para sa, o may mga sintomas na patuloy na tumutugma sa COVID-19 (kaso), ang Tagapamahala ng Pamilihan ay may plano o protokol na isasaayos upang ang (mga) kaso ay maibukod ang kanilang mga sarili sa bahay at mangangailangan ng agarang pag-quarantine sa sarili (self-quarantine) ang lahat ng mga empleyado na nagkaroon ng pagkakalantad sa (mga) kaso sa lugar ng pagtatrabaho. Ang plano ng amo o employer ay dapat na isaalang-alang ang isang protokol para sa lahat ng mga empleyado na naka-quarantine na magkaroon ng akses sa o masuri para sa COVID-19 nang sa gayon ay matukoy kung mayroon pang karagdagang mga pagkakalantad sa lugar ng pagtatrabaho, na maaaring kailanganin ng karagdagang mga hakbang sa pagkontrol ng COVID-19. Dapat na may kasama rin itong plano kung paano matutunton ang iba pang mga tagapagtinda

kung mayroong isang pagkakalantad. Tingnan ang gabay ng pampublikong kalusugan sa [pagtugon sa COVID-19 sa lugar ng trabaho](#).

- Sa kaganapan na 3 o higit pang mga kaso ang natukoy sa loob ng lugar ng trabaho sa tagal na 14 na araw, ang amo o employer ay dapat na iulat ang kumpol na ito sa Kagawaran ng DPH sa (888) 397-3993 o (213) 240-7821. Kung ang isang kumpol ay kinilala sa lugar ng trabaho, ang Pampublikong Kalusugan ay pasisimulan ang isang pagtugon sa kumpol na kinabibilangan ng pagkakaloob ng gabay at rekomendasyon sa pagkontrol ng impeksyon, suportang teknikal at partikular sa lugar na mga hakbang sa pagkontrol. Isang tagapamahala sa kaso ng pampublikong kalusugan ay itatalaga sa imbestigasyon ng kumpol upang tulungan ang pagtugon ng pasilidad.
- Ang lahat ng mga tagapagtinda at empleyado ay inatasan na magsuot ng isang naaangkop na pantakip sa mukha na tumatakip sa ilong at bibig. Ang pantakip ay dapat na isuot ng tagapagtinda at lahat ng empleyado sa lahat ng oras sa araw ng trabaho kapag nakikisalamuha o malamang na makikisalamuha sa ibang mga tao. Ang lahat ng mga empleyado ay dapat na mabigyan ng naaangkop na pantakip sa mukha nang walang gastusin. Ang mga tagapagtinda at empleyado na inutusan ng kanilang medikal na tagapagbigay (medical provider) na hindi sila dapat magsuot ng isang pantakip ng mukha ay dapat na magsuot ng panangga ng mukha (face shield) na may maluwag na tela (drape) sa ibabang dulo, para sumunod sa mga direktiba ng Estado, hangga't pinahihintulutan ito ng kanilang kondisyon. Isang maluwag na tela na akma sa ilalim ng baba ay mas mainam. Ang mga maskara (mask) na may mga isang paraan ng balbula ay hindi dapat gamitin.
- Ang mga empleyado ay inatasan na labahan o palitan araw-araw ang kanilang mga pantakip ng mukha (face coverings).
- Ang lahat ng mga puwesto ng tagapagtinda at estasyon ng trabaho na nasa loob ng mga puwesto ng tagapagtinda ay pinaghiwalay ng hindi bababa sa anim na talampakan
- Ang mga silid sa panandaliang pamamahinga (break rooms), mga banyo (restrooms) at iba pang mga lugar na karaniwang may tao ay madalas na dinidisimpekta, sa sumusunod na iskedyul:
  - Mga silid sa panandaliang pamamahinga \_\_\_\_\_
  - Mga Banyo \_\_\_\_\_
  - Iba pa \_\_\_\_\_
- Bilang pagsunod sa mga regulasyon ng pasuweldo at oras, ang mga panandaliang pamamahinga ay salitan upang masigurado ang anim (6) na talampakan na paglalayo ng mga empleyado sa silid ng panandaliang pamamahinga ay napapanatili sa lahat ng oras.
- Para matiyak na ang mga maskara (masks) ay isinusuot palagi at sa tamang paraan, ang mga empleyado ay hindi hinihikayat na kumain o uminom maliban sa mga oras ng panandaliang pamamahinga kapag nagagawa na nilang tanggalin nang maingat ang kanilang mga maskara at pisikal na dumistansya mula sa ibang mga tao.
- Ang mga pandisimpekta at iba pang kaugnay na gamit ay magagamit ng mga tagapagtinda at empleyado sa mga sumusunod na (mga) lokasyon:  
\_\_\_\_\_
- Ang mga hand sanitizer na epektibo laban sa COVID-19 ay magagamit ng lahat ng tagapagtinda at empleyado sa mga sumusunod na (mga) lokasyon:  
\_\_\_\_\_
- Ang mga empleyado ay pinapayagan na magkaroon ng madalas na pagtigil sa trabaho para makapaghugas ng kanilang mga kamay.
- Ang bawat manggagawa ay tinalagahan ng kanilang sariling mga kasangkapan, kagamitan at tukoy na puwesto ng trabaho. Kailanman maaari, ang pagsasalo ng mga gamit na hinahawakan (hal., mga telepono, tablet, laptop, mesa, panulat, atbp.) ay nabawasan o inalis na.

- Ang lahat ng patakaran na nakasaad sa checklist na ito maliban sa may kaugnayan sa pagtatakda sa pagtatrabaho ay ipinatutupad sa mga kawani na naghahatid (delivery) at iba pang kompanya na maaaring nasa lugar bilang mga ikatlong partido .
  - Opsyonal — Isalarawan ang iba pang hakbang:
- 

## **B. MGA HAKBANG PARA MASIGURO ANG PISIKAL NA PAGDISTANSYA**

- Ang Sertipikadong Pamilihan ng Magsasaka ay ginaganap sa labas. Ang mga tuntunin sa pinakamaraming okupante para sa Pamilihan ay dapat na tinatasa para tiyakin na ang mga kinakailangan sa pisikal na pagdistansya ay napapanatili.
- Ang Tagapamahala ng Pamilihan (Market Manager) ay dapat na tiyakin na ang espasyong nakalaan sa mga tagapagtinda (parehong mga tagapagtinda ng pagkain at tingi) ay nakapaglalaan sa kanila ng sapat na espasyo upang iayos ang mga mesa, kulandong, at iba pang mga gamit alinsunod sa mga naaangkop na kinakailangan ng pisikal na pagdistansya.
- Ang mga tolda o kulandong ay maaaring gamitin basta't ang mga tolda o kulandong ay bukas sa tatlong gilid para pahintulutan ang sapat na bentilasyon. Ang eksepsyon ay para sa mga puwesto ng pagkain, batay sa mga kinakailangan na binalangkas sa CRFC.
- Ang pinakamaraming bilang ng mga kostumer sa loob ng Pamilihan ay limitado sa: -  

---
- Isang empleyado (o mga empleyado kung may higit sa isang pasukan) na may suot-suot na naaangkop na pantakip sa mukha ay nakahimpil malapit sa pasukan ngunit hindi bababa sa 6 na talampakan mula sa mga pinakamalapit na kostumer para idirekta ang mga kostumer at subaybayan ang pag-okupa ng Pamilihan.
- Isaalang-alang ang pagpapatupad ng orasang pagpasok o sistema ng reserbasyon para mabawasan ang panganib sa pag-abot ng pinakamaraming okupante. Kung ang Pamilihan ay umabot na sa pinakamaraming okupante, ang mga kostumer ay maaaring payagan na pumila tulad ng inaaprubahan ng mga lokal na code, kung pahihintulutan ng espasyo, ngunit dapat na mapatnubayan upang makapagpanatili ng 6 na talampakang distansya sa pagitan ng isa't isa habang nasa pila.
- Ang teyp o iba pang mga marka ay kinikilala ang parehong lugar ng pagsisimula para sa mga kostumer na dumarating sa Pamilihan at 6 na talampakang agwat para sa mga susunod na kostumer na papasok sa pila.
- Ipinatupad ang mga hakbang para masiguro ang pisikal na pagdistansya na hindi bababa sa anim (6) na talampakan sa pagitan ng mga tagapagtinda at kostumer.
  - Ang mga pasilyo sa pagitan ng mga hilera ng puwesto (booth) ay sapat ang lapad para mapagkasya ang trapiko sa parehong direksyon, o malinaw na itinalaga bilang isang daanan (one-way) lamang.
  - Ang mga puwesto ay sapat ang laki para pagkasyahin ang higit sa isang kostumer sa puwesto at nakapagpapanatili pa rin ng 6 na talampakang pisikal na pagdistansya mula sa isa't isa.
  - Ang mga tagapagtinda ay napatnubayan sa pag-aayos ng kanilang mga puwesto para ang kanilang mga empleyado ay makapagpanatili ng 6 na talampakang pisikal na pagdistansya mula sa mga kostumer. Sa mga lugar kung saan ang 6 na talampakang distansya ay hindi posible (hal., sa kahera), ang mga hindi tinatagusang harang tulad ng plexiglass ay nakakabit. Tingnan ang gabay ng pampublikong kalusugan para sa [mga harang](#). Maaaring kabilangan ito ng paggamit ng mga pisikal na partisyon o mga nakikitang tanda (hal., mga marka sa sahig, de-kulay na tape, o mga palatandaan para ipahiwatig kung saan dapat tumayo ang mga manggagawa at kostumer).

- Ikonsidera na gawing halinhinan ang pagdating ng mga tagapagtinda para sa pag-aayos bago ang kaganapan para mapagana ang pisikal na pagdistansya habang dumarating ang mga tagapagtinda at makapag-ayos ng kanilang mga puwesto.
- Hinihikayat ang mga tagapagtinda na manatili sa kanilang mga puwesto sa oras ng Pamilihan hangga't maaari at para maiwasan ang pagtitipon-tipon kasama ang ibang mga tao.
- Ang mga lugar para sa pagkakaupo ng publiko (hal., mga upuan, bangko at iba pang pampublikong espasyo) ay tinanggal na para hindi manghikayat sa mga kostumer na magtipon-tipon.
- Ang mga silid sa panandaliang pamamahinga (break rooms) at iba pang mga lugar na karaniwang may tao ay inayos upang limitahan ang mga pagtitipon ng empleyado para masiguro ang pisikal na pagdistansya na hindi bababa sa 6 na talampakan. Kung saan maaari, ang panlabas na mga lugar para sa panandaliang pamamahinga na may lilim at upuan ay nilikha para tulungang masiguro ang pisikal na pagdistansya. Bilang pagsunod sa mga regulasyon sa pasuweldo at oras, ang mga panandaliang pahinga sa trabaho ng empleyado ay salitan upang makatulong na mapanatili ang mga protokol sa pisikal na pagdistansya.

### **C. MGA HAKBANG PARA SA PAGKONTROL NG IMPEKSYON**

- Mga istasyon ay magagamit sa buong Pamilihan para matulungan ang mga kostumer na maakses ang wastong mga produkto sa kalinisan, kabilang ang hand sanitizer na may nilalaman na hindi bababa sa 60% alkohol, mga tisyu at basurahan.
- Ang mga sistema ng pagbayad na walang kontak ay naisaayos na, at kung hindi magagawa, ang mga sistema ng pagabayad ay regular na nililinis. Ilarawan:
  - Ang mga pangkaraniwang lugar at mga bagay na madalas na mahawakan (hal., mga hawakan sa pasilyo, mga doorknob o pihitan ng pinto o mga hawakan, mga mambabasa ng credit card atbp.) ay dini-disimpekta nang regular sa mga oras ng pamilihan gamit ang mga pandisimpekta na aprubado ng EPA na sumusunod sa mga tagubilin ng tagagawa para sa paggamit.
  - Ang mga panlabas na banyo at mga istasyon sa paghuhugas ng kamay ay ipinagkaloob na may mga sabong pang-kamay, mga tuwalyang papel at mga hindi hinahawakang basurahan. Regular na nililinis at dinidisimpekta ang mga panlabas na banyo gamit ang mga pandisimpekta na aprubado ng EPA at sinusunod ang mga tagubilin ng tagagawa para sa paggamit, sa sumusunod na iskedyul:
- Ang mga pampublikong inuman na bukal ng tubig (water fountains) ay nakapatay at may mga karatula na nagbibigay-alam sa mga kostumer na hindi sila magagamit.
- Ang mga kostumer ay sinasabihan na dapat silang magsuot ng telang pantakip sa mukha sa lahat ng oras habang nasa Pamilihan. Maaaring tanggalin pansamantala ng mga kostumer ang kanilang mga pantakip ng mukha habang kumakain at umiinom sa itinalagang lugar sa panlabas na kainan. Para suportahan ang kaligtasan ng iyong mga empleyado at iba pang mga kostumer, dapat na may magagamit na pantakip sa mukha ang mga tagapagtangkilik na dumarating na wala nito.
- Ang mga pagsusuri sa sintomas ay isinasagawa bago pumasok sa Pamilihan ang mga kostumer. Dapat na isama sa pagsusuri ay ang pagtatanong (check-in) tungkol sa ubo, pangangapos ng hininga, kahirapan sa paghinga at lagnat o panggiginaw. Ang mga pagsusuring ito ay maaaring gawin nang personal o sa pamamagitan ng mga alternatibong pamamaraan tulad ng mga sistema ng on-line check in o sa pamamagitan ng [mga karatula](#) na nakapaskil sa pasukan ng pasilidad na nagsasaad na hindi dapat pumasok sa mga nasasakupang lugar ang mga bisita na may ganitong mga sintomas.
- Ang mga kostumer na dumarating sa Pamilihan na may mga batang kasama ay dapat na siguruhin na ang kanilang mga anak ay nasa tabi ng magulang, umiiwas sa paghawak sa sinumang tao o anumang bagay

na hindi nila pag-aari, at naka-takip ang mukha kung tama na ang edad.

- Ang lahat ng mga pampublikong bagay na self-service (tulad ng mga plastik na supot, atbp.) ay tinanggal na at ipinagkakaloob sa kahilingan ng tagapagtinda.
- Ang mga kostumer ay mayroong madaliang akses sa wastong mga produkto sa kalinisan, kabilang ang hand sanitizer, mga tisyu at basurahan sa mga karaniwang lugar sa buong Pamilihan. Ang mga tagapagtinda sa puwesto ay nagkakaloob ng istasyon ng hand sanitizer sa kanilang puwesto kung pinahihintulutan nilang hawakan ng mga kostumer ang kanilang mga produkto.
- Ang mga lugar na palaruan ng mga bata, mga lugar ng aktibidad o iba pang mga kagamitan (hal., mga pambakasyong larawan) ay hindi pinahihintulutan.
- Ang paglilibang sa anumang uri ay hindi pinahihintulutan.
- Opsyonal-Ilarawan ang iba pang mga hakbang (hal. nagkakaloob ng mga oras na para sa mga nakakatanda o senior lamang, naghihikayat ng online na pag-oorder/pag-pick-up ng mga order, pagbibigay insentibo sa mga panahong matumal ang benta):

### **MGA PAGSASAALANG-ALANG SA KALIGTASAN NG SERBISYO NG PAGKAIN**

- Ang lahat ng mga kasanayan at kinakailangan sa kaligtasan ng pagkain na binalangkas sa California Retail Food Code (CRFC) ay nasusunod at pinapanatili.
- Ang mga pagkain at inumin ay maaaring ihain sa panlabas na lugar, basta't ang lahat ng mga pagkain at inumin ay inihahain sa isang itinalagang lugar sa panlabas na kainan na hiwalay mula sa lugar ng tingi. Dapat na sumunod ang mga tagapagtinda ng pagkain sa [Mga Protokol para sa Mga Restwran ng DPH](#) at maaari lamang magtinda ng alkohol kapag binili sa parehong transaksyon na tulad ng sa pagkain. Ang publiko ay hindi maaaring komunsumo ng mga pagkain o inumin habang nasa loob ng pamilihan.
- Linisin at i-sanitize ang mga kubyertos at kagamitan sa kinakailangang dalas na binalangkas sa CRFC.
- Sumunod sa mga kasanayan sa kalusugan at kalinisan ng empleyado: Huwag magtrabaho kapag may sakit; maghugas ng mga kamay nang madalas; gumamit ng mga guwantes tulad ng inaatas sa CRFC.
- Tiyakin na ang lahat ng pagkain at mga sangkap ng pagkain ay mula sa isang aprubadong mapagkukunan ng pagkain.
- Ang mga empleyado sa paghahanda ng pagkain ay hindi hinihikayat na magpalit ng mga istasyon ng trabaho o pumasok sa mga istasyon ng trabaho ng ibang tao sa oras ng mga shift.
- Walang mga hindi nakapaketeng pagtikim (sampling) ng pagkain ang pinahihintulutan.

### **D. MGA HAKBANG SA KOMUNIKASYON SA PUBLIKO**

- Isang kopya ng protokol na ito ay nakapaskil sa lahat ng pampublikong pasukan sa pasilidad.
- Isang Karatula ay nakapaskil sa pasukan ng Pamilihan at sa bawat puwesto na pinaaalalahanan ang mga kostumer na magpanatili ng pisikal na pagdistansya na 6 na talampakan, sa pangangailangan na magsuot ng pantakip sa mukha sa lahat ng oras, sa kahalagahan ng regular na paghuhugas ng kamay at sa pangangailangan na manatili sa bahay kung may pakiramdam sila ng pagkakasakit o may mga sintomas ng COVID-19.
- Mga Karatula sa buong Pamilihan ay nagpapahiwatig sa mga kostumer kung saan makikita ang pinakamalapit na hand sanitizer dispenser.
- Mga Karatula at mga tagapagtinda ng produktong inaani na nagpapaalala sa mga kostumer na hugasan

ang lahat ng mga produktong inaani bago ang pagkonsumo.

- Ang mga online na anunsyo para sa Pamilihan (website, social media, atbp.) ay nagkakaloob ng maliwanag na impormasyon tungkol sa mga oras ng operasyon, kailangang paggamit ng mga pantakip sa mukha, limitadong pag-ookupa, mga patakaran tungkol sa pagpasok, pag-preordering, pag-prepayment, pag-pickup at/o pagdedeliber at iba pang may kaugnayang mga isyu.

**E. MGA HAKBANG PARA MASIGURO ANG PANTAY-PANTAY NA AKSES SA MGA KRITIKAL NA SERBISYO**

- Ang mga serbisyo na kritikal sa mga kostumer/kliyente ay binigyang prayoridad
- Ang mga transaksyon o serbisyo na maaaring ialok nang malayuan (remotely) ay inilipat sa on-line
- Pinasimulan ang mga hakbang para siguruhin ang akses sa mga paninda at serbisyo para sa mga kostumer na may mga limitasyon sa pagkilos at/o nasa mataas na panganib sa mga pampublikong lugar

**Ang anumang mga karagdagang hakbang na hindi kabilang sa itaas ay dapat na ilista sa mga hiwalay na pahina, na dapat ilakip ng negosyo sa dokumentong ito.**

**Maaari kayong makipag-ugnayan sa sumusunod na tao para sa anumang mga katanungan o komento tungkol sa protokol na ito:**

**Pangalan ng Kontak ng  
Negosyo:**

**Numero ng telepono:**

**Petsa na Huling**

**Nirebisa:**

---

---

---

---